

Script of Evening Gojri News Bulletin 09 January 2025 at 1700 Hrs

ایوننگ گو جری نیو ز بلیٹن مو رخہ 09 جنوری 2025

یوہ آکا شوانی جموں ہے محمد اشفاق تے ظفر اقبال تیں خبر سُنو۔
پہلاں خاص خاص خبر۔

Headlines

- ۱۔ وزیر اعظم نریندر مودی نے ۸۱ ویں پرواسی دیوس تقریب غو افتتاح بھونیشور اوڈیسا مانہہ کہیو ہے تے جناب مودی نے کہیو ہے جے بھارت تو بار رہ رہیا بھارتیہ دُنیا واسطے سفیر ہے۔
- ۲۔ لیفٹیننٹ گورنر منوج سنہا نے جرائم واسطے بنایا گیا قانون نانہہ جموں کشمیر مانہہ لاگو کرن بارے جانیزو لیو۔
- ۳۔ جموں کشمیر قانون ساز اسمبلی واسطے نوا مُنتخب ہوا رُکن واسطے تربیتی پروگرام غو اج سینٹرل ہال لیجسٹیٹو اسمبلی کمپلیکس جموں مانہہ منعقد ہوو۔
- ۴۔ وزارت داخلہ نے تمام ریاستاں تے مرکزی زیر انتظام علاقہ نانہہ کہیو ہے جے وے ۰۰۱ تہارا ور مشتمل ٹی بی مُکت مہیم نے قیدیاں واسطے جیلاں مانہہ چلائی۔
- ۵۔ محکمہ موسمیات نے جانکاری دتی ہے جے ۶۱ جنوری توڑی موسم مانہہ کوئی اہم تبدیلی رونما نی ہوسے تے جموں سرینگر قومی شاہراہ گڈیاں اوجانی واسطے دو طرفہ بحال رہ گئی تے مُغل سڑک برف باری غی وجہ توں اجیں توڑی بند ہے۔

PM PBD

وزیر اعظم نریندر مودی نے اج ۲ ہزار ۷۴ توڑی بھارت نانہہ ایک ترقی یافتہ ملک بنان مانہہ ملک توں بار رہ رہیا بھارتیاں گا اہم کردار ور زور دتو وے اج بونیشور اوڈیسیہ مانہہ ۸۱ ویں پرواسی بھارتیہ دیوس کی تقریب سنگ خطاب کرتا واں بول رہیا تھا اس بارے گل کرتا واں انہاں نے بھارت کی ترقی مانہہ بھارت توں بار رہ رہیا بھارتیاں گا اہم کردار کی تعریف کی اس موقع ور وزیر اعظم نریندر مودی نے پرواسی بھارتیہ ایکسشریس نانہہ ہری جھنڈی دس گے روانہ کیو یاد رہ جے یاہ ترین پرواسی تیرتھ درشن یوجنا گے تحت بارلہ ملک مانہہ مانہہ رہ رہیا بھارتیاں واسطے خاص سیاحتی ٹرین ہے۔ اس تقریب گے دوران وزیر اعظم نے کنیں نمائشاں گو وی افتتاح کیو جس مانہہ مرکزی ریاستی سطح ور بکھ بکھ وزارتیں ور مشتمل اصطبلان کی فروغ شامل ہے جہیڑی کے بھارت کی ثقافتی تے اقتصادی ترقی نانہہ ظاہر کرے یاد رہ جے اس تقریب مانہہ مرکزی وزرا جے شنکر در مندر پردھان جوال اورم اشونی ویشنو اڈیسیہ گا گورنر تے وزیر اعلیٰ سمیت دیگر معزیزین وی موجود تھا۔

LG REVIEW MEETING

لیفٹیننٹ گورنر منوج سنہا نے اج جموں کشمیر یو ٹی مانہہ ۳ نواں فوجداری قانون بھارتیہ نیا سنہا ۲۰۲۲ بھارتیہ ناگرک شرکشا سہیتا ۲۰۲۲ تے بھارتیہ سکشیا ادھنیم ۲۰۲۲ کا نفاذ گو جانیزو لین بارے ایک اعلیٰ سطح میٹنگ کی صدارت کی تے ایک جولائی ۲ ہزار ۴۲ توں نافذ ہون آلا نواں فوجداری قانون گا موثر نفاذ خاطر پولیس اہلکاراں تے دیگر متعلقہ محکماں گا اہلکاراں کی صلاحیت سازی تے تربیت خاطر چایا گیا قدمان گو وی جانیزو لیو۔ ایل جی موصوف نے سخت جرائم تے ملک دشمن سرگرمیاں تے دہشت گردی متعلق واقعات مانہہ سزا کی شرح

مانہہ اضافو واسطے سرشار کوششاں ور زور دتو اُن گو مزید کہنو تھو جے پولیس گی طرفوں
کی جان آلی کاروائیاں مانہہ شفافیت نانہہ یقینی بنانو چاہیے تے تیز رفتار تفتیش تے مقدمان
گی سماعت نانہہ مقررہ وقت ور پورو کرنوں چاہیے یاد رہ جے اس میتنگ مانہہ چیف
سیکرٹری اتل ڈلو ڈی جی پی نلین پربہات پرنسپل سیکرٹری داخلہ امور چنداگر بھائی تے ہور
سنئیر افسر وی موجود تھا۔

ORIENTATION CAMP

یو ٹی جموں کشمیر گی قانون ساز اسمبلی مانہہ نواں منتخب ہوا رکنان واسطے تربیتی پروگرام
گو آغاز اج اسمبلی کمپلیکس جموں گا مرکزی ہال مانہہ کیو گیو اس موقع ور وزیر اعلیٰ عمر
عبداللہ قانون ساز اسمبلی گا سپیکر عبدالرحیم راتھر نائب وزیر اعلیٰ سریندر کمار چوہدری
ہزب اختلاف گا لیڈر سنیل شرما سمیت کئی ہور سنئیر افسر وی موجود تھا اکشوانی جموں گا
نامہ نگار نے دسیو ہے جے اس پروگرام کو انتظام جموں کشمیر قانون ساز اسمبلی
سیکرٹریٹ نے لوک سبھا گا جمہوریت بارے تربیتی ادارہ سنگ رک گے کیو-واضع رہ جے
نواں منتخب ہوا ریکناں نانہہ عوام گی امیدان ور پورو اُترن تے اپنی ذمہ داریاں نانہہ موثر
طریقہ سنگ بنان مانہہ یو پروگرام ایک اہم کردار ادا کرے گو تے نال بی یوہ ۳ روزہ پروگرام
پارلیمانی طریقان تے ایوان مانہہ کاروائی نانہہ بہتر طریقہ کار سنگ چلان مانہہ ان گی مدد
کرے گو اس موقع ور میڈیا سنگ گل کرتا واں وزیر اعلیٰ عمر عبداللہ نے اس طرح کہیو۔

JAMMU SRINAGAR VANDE BHARAT

ریلوے غی وزارت نے دسیو ہے جے جموں سرینگر وندے بھارت ایکسپرس ریل جلد ہی کٹڑا
تے سرینگر غے بشکار دوڑے غی یہ ریل گڈی ۸ ڈبا ور مشتمل ہے جہیڑی جے ۳ گھنٹا تے
۰۱ منٹ غے اندر اپنو سفر طے کرے گی مارا نامہ نگار نے خبر دتی ہے جے جموں سرینگر
وندے بھارت ریل گڈی منجمد مخالف خصوصیت سنگ تیار کی گئی ہے وزارت نے مزید
جانکاری دیتا واں دسیو ہے جے جموں سٹیشن نوا سرے سنگ تیار کیو گیو ہے جس غا ۸
پلیٹ فارم ہیں جہیرا جدید سہولیات سنگ تیار کیا گیا ہیں۔

SELF DEFENCE TRAINING

سماجی بہبود بارے محکمہ نے نوجوان خدمات تے کھیل کود بارے محکمہ سنگ مل غے بیٹی
بچاؤ بیٹی پڑھاو مہیم گے بینر تلے ضلع ریاسی غی بچیاں واسطے خود تحفظ تربیتی پروگرام
ریاسی غا اندور سٹڈیم مانہہ جہیرو جے ۵ تہارا ور مشتمل ہے اُت شروع کرایو-آکاشوانی
جموں غا نامہ نگار نے خبر ثوری ہے جے بکھ بکھ سرکاری سکولان توں ۰۵ تعلیم حاصل
کر رہی بچیاں نے ۵ تہاڑا ور مشتمل تربیتی پروگرام مانہہ حسو لیو اس تربیتی پروگرام گو
خاص مقصد بچیاں نانہہ خود گا تحفظ بارے تیار کرنو ہے ضلع سماجی بہبود محکمہ غا افسر
نے بچیاں سنگ گل بات کرتا واں کہیو جے وے اس پروگرام مانہہ برابر ۵ تہاڑا شرکت کر غے
اس تربیتی پروگرام تو بھر پور فائدو چاویں اس سلسلہ مانہہ گل بات کرتا واں ضلع سماجی
بہبود بارے محکمہ غا افسر سچن شرما نے کُج اس طرح کہیو۔

MHA TB

وزارت داخلہ نے تمام ریاستاں تے مرکزی زیر انتظام علاقان نانہہ درکواست کی ہے وے ملک
توں ٹی بی گا خاتمہ بارے مرکزی سرکار سنگ ایک عہدگا طور ور جیلاں تے باقی اصلاحی

اداراں مانہہ ۰۰۱ تہاڑا مشتمل اس مہیم گو انتظام کریں ایک خط مانہہ وزارت نے ریاستاں تے مرکزی زیر انتظام علاقان نانہہ کہیو ہے جے وے سکرینگ کیمپ منعقد کریں تے تمام جیلاں مانہہ اطلاعات تعلیم تے مواصلات بارے مواد وی مہیا کریں تے نال ہی یاہ اپیل کی ہے جے وے ۷۲ جنوری توں ۲ فروری توڑی وزارت صحت تے خاندانی بہبود گا اشتراک کردہ نکتے عہدگی شروعات کریں۔

JAVED RANA TRIBAL HOSTEL

جنگلات جل شکتی تے قبائلی امور بارے محکمہ غا مرکزی وزیر جاوید احمد رانا نے گزشتہ کل سیول سیکٹریٹ جموں مانہہ ایک اعلیٰ سطح غی مہینگ طلب کرغے جموں کشمیر غا تمام قبائیلی ہوٹلاں بارے کم کاج غو جائیزو لیو وزیر موصوف نے تمام ہوسٹلاں بارے تفصیلی کانکاری لیتاواں ات غا تمام سٹاف نانہہ بہتر طریقہ سنگ کم کرن تو علاوہ سفائی ستھرائی کھان پین غی اشیاء ڈیجیٹل کلاس کمرہ تے پھوسٹلاں غے اندر لائبریرن بارے وی جانکاری حاصل کی۔ وزیر موصوف نے میتنگ غے دوران گل بات کرتا واں کہیو جے سرکار نے قبائلیاں واسطے بکھ بکھ سکیم شروع کی ہیں جہیڑی جے اُن غی فلاح بہبود مانہہ ترقی کریں گی جناب رانا نے قبائلیاں واسطے سماجی ڈھانچہ صحت تعلیم تے رہن سہن غا کم کاج بارے وی گل بات کی۔

DC RAJOURI INSPECTION

ضلع ترقیاتی کمشنر راجوری ابھیشیک شرما نے اج دیہی ترقی بارے محکمہ غا دفتر مانہہ اچانک دورو لایو اپنا دورہ غے دوران جناب ابھیشیک شرما نے دفتر مانہہ موجود فائلا غی جانچ پرتال کی ضلع ترقیاتی کمشنر نے افسران نانہہ ہدایت جاری کی جے وے عوام غی بہتری تے ترقی بارے کم کاج کریں اس سلسلہ مانہہ بولتا واں ضلع ترقیاتی کمشنر ابھیشیک شرما نے اس طرح کہیو۔

HANDICRAFT RAMBAN

ضلع رام بن گو دستکاری محکمو عوام نانہہ اکٹھا کرغے بکھ بکھ سکیمیں بارے آگاہ کرغے علاقہ مانہہ روزگار پیدا کرن خاطر محنت سنگ کم کر رہیو ہے واضع رہ جے کرکھنڈر تے کریڈٹ کارڈ سکیم ان بچوں وے سکیم ہیں جہیڑی افراد نانہہ ہنر مندی ترقی تے معاشی آزادی نانہہ فروغ دین خاطر باختیار بنان مانہہ اہم کردار ادا کریں حال ہی مانہہ محکمہ نے رام بن ضلع گا بکھ بکھ علاقہ جس راہ کھادی سنگلدان تے بانہال مانہہ بیداری کیمپاں گو انعقاد کیو یاد رہ جے کھاری تے گرانییاں گی صنعت کمیشن گا تعاون سنگ دستکاری شعبہ نے کاریگراں گی آمدنی مانہہ بابدو نانہہ یقینی بنان گو ادارو کہیو ہے قابل ذکر ہے جے منڈیاں نانہہ فروغ تے ترقی بارے امداد سکیم ایم پی ڈی اے گے تحت دستکاراں، اُن کتن آفس بینک اے سی سی غے زریوے ۵۲ فیصلہ امداد فراہم کی جت اس مقع ور اسٹینٹ ڈائریکٹر ترن سڈن نے اس طرح کہیو۔

WEATHER HIGHWAY

محکمہ موسمیات نے جانکاری دتی ہے جے جموں کشمیر مانہہ ۶۱ جنوری توڑی موسم مانہہ کوئی اہم تبدیلی رونما نی ہوسے آکاشواںی جموں غا مارا نامہ نگار نے خبر توری ہے جے محکمہ موسمیات نے دسیو ہے جے ۸ توں ۰۱ جنوری توڑی موسم عام طور ور خشک تے

چھڑ کھنڈیو رہ گو جدکہ ۰۱ جنوری غی شام تے رات سنگ وی موسم اسے طرح گو رہ غو
۱۱ جنوری سنگ اُمید کی جارہی ہے اسمان ور چھڑ کھنڈیو رہ گو تے جموں غا میدان
علاقاں مانہہ ہلکی بارش ہوسکے جدکہ جموں سوبہ تے کشمیر وادی غا اُچا علاقہ مانہہ کُج
ایک مقامات ور برف باری ہوسکے محکمہ موسمیات نے مزید جانکاری دیتا واں دسیو جے
جنوری ۲۱ تے ۴۱ غے بشکار موسم عام طور ور خشک رہ گو جنوری ۵۱ تے ۶۱ نانہہ
اسمان ور چھڑ کھنڈیو رہ گو تے کُج ایک مقامات ور ہلکی برف باری ہون غا وی امکان ہیں
محکمہ نے مزید جانکاری دتی ہے کُج ایک مقامات ور سرد لہر اسے طرح چلتی رہ گی
محکمہ نے سفر کرن تے سیر سپاٹو کرن آلا نانہہ مشورو دتو ہے جے وے موسم نانہہ
دیکھتا واں اپنو سفر شروع کریں مارا نامہ نگار نے خبر توری ہے جے جموں سرینگر قومی
شاہراہ ور گڈیاں گی او جانی دوطرفہ بحال رہ گی تے پونچھ راجوری ضلع نانہہ وادی کشمیر
سنگھ جوڑن آلی مغل شاہراہ برف باری غی وجہ توں اجوں توڑی بند ہے۔
